

Indigenous, Minority and Lesser-Used Languages Ministerial Meeting

Réunion Minnistéthielle d'la travâl'lie pour les Langues d'Ichîn, Minnoritaites et Mains Faites Sèrvi

20 d'Octobre 2023, Jèrri

C'meunitchi

Lé Conseil britannique-Irlandais (CBI) tînt eune Réunion Minnistéthielle sus les Langues d'Ichîn, Minnoritaites et Mains Faites Sèrvi (LIM) aniet, atchilyie par lé Gouvernement d'Jèrri. À l'avanche dé la réunion Minnistéthielle, des Minnistres et officièrs prîntent part dans la conféthence "Jersey Language Policy for Education Impact Event". Eune liste entchiéthe des participants Minnistéthiels y'est jouainte.

Distchut'tie d'l'Activité d'la Travâl'lie

Les Minnistres ont distchuté l'Rapport d'Politique d'la Travâl'lie des Langues d'Ichîn, Minnoritaites et Mains Faites Sèrvi tchi dêcrit l'travas entréprîns par l's officièrs ches dreines années. Les Minnistres ont r'mèrcié l's officièrs pour aver dréchi les papièrs, et ont accordé qu'i' mouontraient la valeu pour toutes les Adminnistâtions Membres tchi prannent part dans la travâl'lie. En distchutant, les Minnistres ont souôlîngni l'importance d'offri d's envithonnements pour qu'les langues LIM saient faites sèrvi et ont considéthe un amas d'innitatives à propos en allant l'travèrs d's Adminnistâtions Însrites du CBI. Les Minnistres ont considéthe étout les lians entre la politique des Preunmié Années et l'atchisition des langues LIM, en souôlîngnant un évènement en c'mun réunni en 2021.

Lé programme d'avanch'chie

Les Minnistres on distchuté étout l'programme d'avanch'chie proposé pour la Travâl'lie des Langues d'Ichîn, Minnoritaites et Mains Faites Sèrvi. En accordant qu'chennechîn est un propos sus tchi l's Adminnistâtion Însrites dévthait collabother atout l'CBI, les Minnistres ont accordé qu' lé programme d'avanch'chie des LIM pour la période 2023-25 dévthait concentrer sus trais thèmes:

l'usage social des Langues d'Ichîn, Minnoritaites et Mains Faites Sèrvi;
l'Înfrastructuthe Lîndgistique; et
la Tchultuthe.

Les Minnistres on r'mèrtchi qu'la préchaine Réunion Minnistéthielle es'sa atchilyie par lé Gouvernement d'Dgèrnésy.

S'grétathiat du CBI
20 d'Octobre 2023

Liste des D'édgis Minnistéthiels

Gouvèrnément d'Irlande	Patrick O'Donovan TD, Minister of State for the Gaeltacht
Gouvèrnément d'Île dé Man	Claire Christian MHK, Political Member for Education, Sport and Culture
Gouvèrnément d'Jèrri	Kirsten Morel, Deputy Chief Minister and Minister for Economic Development, Tourism, Sport and Culture
Gouvèrnément Écôssais	Jenny Gilruth MSP, Cabinet Secretary for Education and Skills
Gouvèrnément du Rouoyaume Unni	Jacob Young MP, Parliamentary Under Secretary of State (Levelling Up)
Gouvèrnément d'Galles	Jeremy Miles MS, Minister for Education and Welsh Language